

U G O V O R
o nabavci radova rekonstrukcija mokrih čvorova
u JU OŠ "Zahid Baručija" Vogošća

Zaključen dana 31.01.2019. godine u Vogošći između:

1. JU OŠ "Zahid Baručija" Vogošća, ulica Omladinska broj 14, koju zastupa direktor Hamdija Kučević (u daljem tekstu: Ugovorni organ), i
2. FAMOS GRADNJA d.d. Sarajevo, ulica 6. April broj 3, Ilidža, koju zastupa direktor Zorlak Arijana (u daljem tekstu Izvođač radova), s druge strane

Član 1.

Ovim ugovorom, Izvođač radova se obavezuje, da će za potrebe Ugovornog organa izvršiti kompletnu rekonstrukciju mokrih čvorova što podrazumijeva izvođenje slijedećih radova:

1. Pripremni radovi demontaža i rušenje
2. Betonski i armirano betonski radovi
3. Zidarski radovi
4. Hidroizolaterski radovi
5. Termoizolaterski radovi
6. Limarski radovi
7. Bravarski radovi
8. Podloge za podove
9. Keramički radovi
10. Stolarski radovi
11. Molersko farbarski radovi
12. Hidroinstalaterski radovi
13. Elektroinstalaterski radovi,

a koji su detaljno navedeni u Aneksu 2 – Specifikacija br. 1 u Tenderskoj dokumentaciji.

Član 2.

Radovi iz člana 1. ovog Ugovora početi će se izvoditi u februaru 2019. godine i izvoditi će se shodno potrebama neometanja nastavnog procesa.

Član 3.

Ugovor se zaključuje na osnovu Odluke o izboru najpovoljnijeg ponuđača broj: 04-1635/18 od 21.12.2018. godine i ponude Izvođača radova broj: 261/18 od 21.12.2018. godine, izabrane od strane Ugovornog organa putem Konkurentskog zahtjeva za dostavu ponuda.

Član 4.

Izvođač radova se obavezuje, da će radove iz člana 1. ovog Ugovora izvršiti kvalitetno i pravovremeno u skladu sa uputama Ugovornog organa i obrascem i specifikacijom za cijenu ponude.

Član 5.

Ukupno ugovorena cijena za izvršene radove iz predmeta ovog Ugovora iznosi 25.843,61 KM (slovima: dvadesetpethiljadaosamstotinačetdesetri 61/100 KM). U ukupno ugovorenu cijenu iz prethodnog stava ovog člana, uračunati su troškovi PDVa. Izvođač radova se obavezuje da će primijeniti popust odobren u procentu od: 0% u Ponudi broj: 261/18 od 21.12.2018. godine.

Član 6.

Plaćanje ukupno ugovorene cijene iz člana 5. ovog Ugovora, Ugovorni organ će izvršiti Izvođaču radova na osnovu ispostavljene fakture, uplatom na žiro-račun broj: 102018000005446, shodno poslovanju Javnog trezora Ministarstva finansija Kantona Sarajevo. U slučaju da se prilikom primopredaje radova, konstatuju nedostaci i odstupanja od tehničkih karakteristika datih u Ponudi broj: 261/18 od 21.12.2018. godine, Ugovorni organ se obavezuje da će isplatu izvršiti odmah, a najkasnije u roku od 15 dana, nakon što Izvođač radova otkloni nedostatke konstatovane u Zapisniku o primopredaji radova.

Član 7.

Izvođač radova se obavezuje da će radovi iz člana 1. ovog Ugovora, biti traženog kvaliteta, odnosno kvaliteta koji je dao u svojoj Ponudi broj: 261/18 od 21.12.2018. godine, a koju je Ugovorni organ odabrao kao najpovoljniju.

Član 8.

Sva eventualna odstupanja i nedostaci, prilikom primopredaje radova, konstatovat će se Zapisnikom o primopredaji istih. Izvođač radova se obavezuje da će primjedbe konstatovane Zapisnikom o primopredaji otkloniti o svom trošku, a najkasnije u roku od 15 dana od dana potpisivanja navedenog Zapisnika. Ako u navedenom roku Izvođač radova ne otkloni primjedbe konstatovane Zapisnikom o primopredaji, Ugovorni organ zadržava pravo da raskine ugovor.

Član 9.

Ovaj Ugovor se zaključuje na određeno vrijeme i traje do ispunjenja ugovornih obaveza. Ovaj Ugovor stupa na snagu kada ga potpišu ugovorne strane.

Član 10.

Izvođač radova daje garanciju na ugrađenu opremu 2 (dvije) godine, a garanciju na izvršene radove 1 (jednu) godinu od dana završetka radova.

Član 11.

Eventualno nastali spor po ovom Ugovoru, ugovorne strane će riješiti sporazumno, a ukoliko to nije moguće spor će riješiti Općinski sud u Sarajevu.

Član 12.

Na odredbe ovog Ugovora, kao i za sve što nije regulisano ovim Ugovorom, primjenjivat će se odredbe Zakona o obligacionim odnosima.

Član 13.

Ovaj Ugovor sačinjen je u 4 (četiri) istovjetna primjerka, od kojih 2 (dva) primjerka zadržava Ugovorni organ, a 2 (dva) primjerka zadržava Izvođač radova.

Izvođač radova



Direktor
Zorlak Arijana

Zorlak Arijana

Broj: 01/19

U Vogošći, 31.01.2019. godine

Ugovorni organ
JU OŠ „Zahid Baručija“ Vogošća



Direktor
Hamdija Kučević, prof.

Hamdija Kučević

Broj: 04-79/19